

Cartë nabëquë'ë San Judas

Rquë'ë Judas cartë rë' lu ra shmënë Jesús

¹Na Judas, nahia muzë shtë Jesucristo nu nahia bëchi Jacobo. Quëquëa'a cartë rë' lu ra nagudili Dios Padre, lu ra naquëhapë më purquë rac shtu'u më lë'ë të nu unidë na të con Jesucristo. ²Rac shtua'a tsagla'guë gunë të recibir bendición shtë Dadë, cusë ziquë galërga'a ldu'u më nu galërac shtu'u shtë më nu galërbedchí ldu'u naná rne'le më.

Mësë narlua'a bishi (2 Pedro 2.1-17)

³Lë'ë të narac shtua'a, bëna llgabë hashtë mërë niaquëa'a lu të tubi cartë lla guc salvára'a purquë rialdí ldu'u hia'a diza'quë, parë iurne' napë quë guëquëa'a lu të nasesë por stubi cusë. Quëquëa'a lu të con guëdubínú ldua'a de quë rqui'ni gunë të defender diza'quë con guëdubi fuersë shtë të purquë nanú mënë narunë cuntrë diza'quë. Lë'ë diza'quë guc intriegu guia'a hia'a tubsë vësë parë siembrë; adë chu gúnëdi'i cambin. ⁴Quëgnia'a lu të zní purquë bëldá mënë ladi hia'a, adë nádi'i rall shmënë Dios aunquë

guni'i rall gualdí ldu'u rall shti'dzë më. Rlua'a rall ziquë shmënë Dios parë quëgsiguë rall; naga'chi na rall falsë. Dizdë tiempë guahietë, ra mënë ni na rall destinadë parë gac condenadë rall. Adë nápëdi'i rall rëspëti lu Dios. Rni'i rall gunë Dios perdunë duldë shtë rall ndigá aunquë quërelde rall ziquë mbecu. Rlua'a tēchi rall lu Shláma'a Jesucristo, lúniquë el quë narnibë'a lë'ë hia'a.

⁵Nanë të bien pë guc guahietë, parë rac shtua'a guënia'a lu të tubi vësë más parë guëagná ldu'u të, de quë despuësë bè'në Dios salvar ra israelitë guia'a mënë shtë Egipto, bēdē'ë më fin ra nadë gualdídi'i ldu'i shti'dzë më. ⁶Nu ra ianglë nabēdzatsu nu bē'nēdi'i rai' cumplir mandadë shtë më nu bēsēa'nē rai' lugar narunë tucarë guëquërelde rai', bēdē'ë më ordë gac rai' ziquë prēsi nanali'bi con cadēnē parē siembrē. Nanú rai' lu nacahi hashtë iurē gunē më juzguē lē'ë rai'. Gac condenadē rai' dzē shtë juici, tubi dzē señaladē purquē gunē Dios juzguē lē'ë mieti. ⁷Nu zac ra mënë shtë Sodoma con Gomorra con ra guē'dchi alreduerē, guquërelde rall ziquë mbecu. Guanaldë rall

tèchi ra deseo mal nadè rúnèdi'i tucarè, nguii con nguii, na'a con na'a. Ra mènè ni na rall tubi ejemplè parè gac bè'a mieti gunè mè cashtigu grè ra naquèhunè duldè. Iurne' ra mènè shtë Sodoma nu Gomorra quèhunè rall sufrir lu gui'i nanápèdi'i fin.

⁸Mizmè manèrè ra mènè falsè entrè lè'è hia'a, na rall ziquè mènè narni'i shca'ldè cusè dzabè. Runè dchi'ni rall cuerpè shtènè rall con cusè adè rúnèdi'i tucarè. Rquè guia'a rall mandadè shtë Dios; rni'i guidzè rall guèc ianglè shtë mè. ⁹Quèhunè ra mènè ni ra cusè mal aunquè napè rall ejemplè shtë Miguel, tubi ianglè namás rnibè'a lu ra ianglè. Adè gurushtiádi'i Miguel guèc Satanás iurè lè'è tégulè Moisés bèga'chi, sino guni'i Miguel lu Satanás di'dzè rè'; "Gunè mè cashtigu lè'èl". Adè bènèdi'i Miguel juzguè lè'è mèdzabè sino biadi'dzè Miguel con rëspèti. ¹⁰Perè ra nguii mal iurne', rushtiá rall guèc ra cusè nanadè riasèdi'i rall. Rianaldè rall tèchi ra cusè mal cumè ziquè ra ma nadè rdé'èdi'i cuendè.

¹¹Prubi ra nguii ni purquè gac juzguè rall. Nápèdi'i rall rëspèti lu Dios, nilè lu sa' rall. Na rall ziquè Caín. Parè gapè rall zihani dumí, runè rall duldè ziquè duldè shtë Balaam, tantè rzebi ldu'u rall dumí. Bèdzatsu rall ziquè bè'nè Coré cuntrè Moisés. Por ni bèniti rall lu Dios nu nacondenadè rall igual ziquè Coré. ¹²Ra mènè ni na rall tubi shtu parè lè'è tè iurè rdé'a tè lu mellè tè gapè tè laní con los de más ra narac shtu'u lè'è sáhi'. Iurè raunú rall lè'è tè, nápèdi'i rall

rëspèti sino quèhunè rall cumplir mal deseo nananú la'ni ldu'u rall. Na rall ziquè shcahi nanápèdi'i guiu sino rua'a mbè lè'in nezè rè' nezè rè'. Na rall ziquè hiaguè nashi nardé'èdi'i nashi tiempè shtë cusechè. Na rall ziquè hiaguè de verdá gubidchi, ziquè hiaguè nabí'eshi. ¹³Lo què naquèhunè rall, na ziquè bèchini cuchinè nanua'a nisèdu'u lu mbè dushè. Runè rall cusè naná shtu. Na rall ziquè mbelègui'i naguniti shnézi'. Tsa rall lu nacahi nanápèdi'i fin. Zni gunè tucarè mènè ni.

¹⁴Lè'è Enoc el què nagubani gadchi tantè generaciòn despuès de Adán, guní'i' naguèr gac con ra nguii mal. Guni'i Enoc: "Guná, ze'dè Dadè con zihani ianglè santu ¹⁵parè gunè mè juzguè grè mènè, nu parè guèdè'lè mè sentènci guèc ra narzu'bè diáguèdi'i shti'dzè Dios nu grè ra nabè'nè duldè nu por grè ra chismè naguni'i rall cuntrè Dios". ¹⁶Ruadi'dzè rall cuntrè cusè za'què. Rdchi'bè rall demandè cuntrè sa' rall. Rianaldè rall tèchi deseo mal nananú la'ni ldu'u rall. Runè naru'bè rall lu sa' rall. Rni'i rall di'dzè chulè lu sa' rall nadè más parè guèdè'è sa' rall centavè ca'a rall.

Conseju parè shmènè Dios

¹⁷Perè lè'è tè narac shtua'a, gulè bëagná ldu'u tè lo què naguni'i ra poshtë shtë Jesucristo Shláma'a, ¹⁸de què guèdchini mènè falsè nagunè burnè. Antsè guèdchini mè stubi vultè, tsanaldè ra mènè ni tèchi ra deseo mal. Guèbani rall sin rëspèti lu Dios. ¹⁹Mènè mal entrè

lë'ë të, quëhunë rall dividir lë'ë të nu rianaldë rall tëchi cusë mal shtë guédchiliu. Nápëdi'i rall Espíritu Santo nacuezénú lë'ë rall.

²⁰Lë'ë të narac shtua'a, gulë bë'në compa'ni sa' të, të tsaldí ldu'u rall shti'dzë Jesús. Gulë gac ziquë tubi hiu'u nazúbëga'a firmë lu cimientë. Gulë tsagla'guë guadi'dzénú të Dios con pudërë shtë Espíritu Santo.

²¹Gulë gupë mizmé lë'ë të siembrë të parë gac bè'a të rac shtu'u Dios lë'ë të. Gulë gubani parë lë'ë më mientras cuezë të Jesucristo Shláma'a. Gulë tsaldí ldu'u të de quë siembrë rga'a ldu'u më lë'ë të nu guëne'e më vidë sin fin parë lë'ë të.

²²Entrë grupë shtë të nanú ra narialdídi'i ldu'i shti'dzë më. Gulë bëga'a ldu'u të lë'ë rall nu gulë bë'në compa'ni lë'ë rall të tsaldí ldu'u rall shti'dzë më. ²³Gulë bēlá ra mēnē naná ziquë tubi cusë la'ni hiu'u narie'qui. Gulë bëga'a ldú'ul sa'l, perë mizmé tiempë gulë bēdzēbē juici shtë Dios. Gulë

gapë cuidadë të adë gúnēdi'il ra cusë mal naquëhunë rall.

Rialú cartë rë' con tubi labansë

²⁴Iurne' quëhuna alabar lë'ë më purquë napë më pudërë të ldáguēdi'i të lu duldë. Napë më pudërë guédchininú më lë'ë të sin ni tubi duldë catë quërelde më. Napë më pudërë guësëquitë ldu'u më lë'ë të delantë lu më.

²⁵Rac shtua'a guédé'na'a alabar lúniquë Dios verdaderë por medio Jesucristo Shláma'a, bë'në më salvar lë'ë hia'a. Rac shtua'a gunë mieti alabar lé'i'. Rac shtua'a gunë mieti adorar lé'i'. Rac shtua'a guēni'i mieti llëru'bē na pudërë shtëhi'; guëzu'bē diaguë grē mēnē shti'dzē më të guēnibē'a më guédchiliu igual ziquë rnibē'a më lu gube'e. Zni runë tucarë gunë më recibir labansë dizdē antsē cueshtë guédchiliu, nu zac iurne', nu parë siembrë gunë më recibir labansë ni. Amén.